

«27» 09 2018թ.
N 54-ՂԻ

«27» 09 2018թ.
N 1

ՀԱՄԱՏԵՂ ՀՐԱՄԱՆ

Կառավարական քաղաքային և միջքաղաքային հեռախոսակապի ծառայություններ մատուցելու մասին

ՀՀ ազգային անվտանգության ծառայությունը և ՀՀ դատական դեպարտամենտը, ի կատարումն ՀՀ Կառավարության 2011թ. սեպտեմբերի 22-ի N1500-ՆԳ որոշման, ղեկավարվելով «Ազգային անվտանգության մարմինների մասին» ՀՀ օրենքի 26-րդ հոդվածով և ՀՀ Կառավարության 2018թ. հունիսի 15-ի «Բյուջեների կատարման» կարգի 38-րդ կետի պահանջներով՝ ՀՀ դատական դեպարտամենտին կառավարական քաղաքային և միջքաղաքային հեռախոսակապով ապահովելու և սպասարկելու նպատակով՝

ՀՐԱՄԱՅՈՒՄ ԵՆՔ

1. ՀՀ ազգային անվտանգության ծառայությունը ՀՀ դատական դեպարտամենտին մատուցում է կառավարական քաղաքային և միջքաղաքային հեռախոսակապի ծառայություններ (այսուհետ՝ «Ծառայություններ»), իսկ ՀՀ դատական դեպարտամենտը վճարում է այդ Ծառայությունների դիմաց՝ սույն համատեղ հրամանով սահմանված կարգով:
2. Սույն համատեղ հրամանով նախատեսված պահանջները տարածվում են կողմերի միջև 2018թ. մայիսի 1-ից ծագած հարաբերությունների նկատմամբ:

3. ՀՀ ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅՈՒՆԸ ԱՊԱՀՈՎՈՒՄ Է.

- 1) Ծառայությունների որակյալ, անխափան մատուցումը և սույն համատեղ հրամանով նախատեսված պարտավորությունների կատարումը,
- 2) Կապի միջոցների անխափան աշխատանքը և վնասվածքների ժամանակին վերացումը,
- 3) ՀՀ դատական դեպարտամենտում տեղադրված կապի միջոցների և բաժանորդային գծի անվտանգությունն ապահովող հատուկ միջոցառումներ՝ գաղտնի տեղեկատվության արտահոսքը կանխելու նպատակով,
- 4) Կառավարական կապի միջոցների տեղադրումը, վերատեղադրումը և ծառայությունների մատուցումն ու դրանց հետ կապված աշխատանքների կատարումը՝ ՀՀ դատական դեպարտամենտի կողմից վճարման պարտավորության մասին գրավոր հայտ ներկայացնելուց հետո,
- 5) Կառավարական քաղաքային և միջքաղաքային հեռախոսակապի անջատումը, եթե ՀՀ դատական դեպարտամենտը չի կատարում Ծառայությունների դիմաց բաժանորդային վճարումը՝ ըստ սույն համատեղ հրամանի 4-րդ կետի 4) ենթակետի:

4. ՀՀ ԴԱՏԱԿԱՆ ԴԵՊԱՐՏԱՄԵՆՏԸ ԱՊԱՀՈՎՈՒՄ Է.


- 1) ՀՀ ազգային անվտանգության ծառայության կապի հանգույցից մինչև իր աշխատասենյակները առանձին մալուխային գծի շարքից դուրս գալու դեպքում վերանորոգման աշխատանքների ծախսերը՝ ըստ կառավարական կապի միջոցների շահագործման հատուկ պահանջների,
- 2) Կառավարական կապի միջոցների շահագործման հատուկ պահանջների կատարումը և այն աշխատասենյակների պահպանումը, որտեղ տեղադրված են այդ միջոցները,
- 3) Իր մոտ տեղադրված կապի միջոցների պահպանումը,

Handwritten signature

№	Տեղադրման վայրը	Կառավարական քաղաքային կապ	Ընդամենը
1.	ՀՀ դատական դեպարտամենտի ղեկավարի աշխատասենյակ	1 x 225 000	225 000
2.	ՀՀ բարձրագույն դատական խորհրդի նախագահ	1 x 225 000	225 000
3.	կապի անվտանգությունն ապահովող հատուկ ծառայություններ	2 x 100 000	200 000
4.	ընդամենը տարեկան վարձը		650 000
վեց հարյուր հիսուն հազար դրամ			

- 4) Բաժանորդային վճարումների փոխանցումը ՀՀ ազգային անվտանգության ծառայության հաշվարկային հաշվին՝ ոչ ուշ, քան եռամսյակը մեկ: Վճարումները կատարվում են ՀՀ դրամով,
 - 5) Իր մոտ տեղադրված հատուկ կապի միջոցների վերադարձը ՀՀ ազգային անվտանգության ծառայությանը՝ տեխնիկապես սարքին վիճակում՝ Ծառայության մատուցումների վերջնական դադարեցումից անմիջապես հետո,
 - 6) ՀՀ ազգային անվտանգության ծառայությանը պատկանող կապի միջոցների արժեքի փոխհատուցումը՝ ըստ կազմված համապատասխան ակտի, եթե դրանք կորստի են մատնվել իր մեղքով:
5. Ուժը կորցրած համարել ՀՀ ազգային անվտանգության ծառայության և ՀՀ դատական դեպարտամենտի 13.12.2011թ. N74-Ս և 09.01.2012թ. համատեղ հրամանը:

ՀՀ ազգային անվտանգության ծառայության
տնօրեն




Ա. Վանեցյան

ք. Երևան, Նալբանդյան 104
ՀՀ Ֆին. նախ. գործառնական վարչության
համայնքների և պետական հիմնարկների
բյուջեների հաշվառման բաժին
հ/հ 900018301011
հվհհ 01507079



ՀՀ դատական դեպարտամենտի
ղեկավար



Կ. Փոլադյան

ք. Երևան, Վ. Սարգսյան N5
ՀՀ Ֆին. նախ. գործառնական վարչության
համայնքների և պետական հիմնարկների
բյուջեների հաշվառման բաժին
հ/հ 900011192151
հվհհ 02583241



Կ.Տ.

Կառավարական կապի և տեղեկատվության վարչություն _____ հեռախոս

1099

